

oli_mc – Check das

Alle Rechte vorbehalten, Copyright © 2007 oli_mc, www.olimc.ch.vu

Im '05 chunt „Urknau“ erschti Oli EP
Im '06 dr „Urknall“ jetz vom Kutti MC
Ou „Gimmer“ isch abgluegt, aber das mou vo mir
Ir Schwiiz kenni niemer wo so flowt wie dr Pee
Viu kenne keni Lieder us vrgangnige Tage
CH-Rap mit PVP wäg em Kurt im Chaschtewage
Hüt fahrt Schwiizer Rap vor ir dicke Limousine
Wenn dr CMD zauht loht's sich nid lo vrmide
Cool, dr machet CDs u vrchoufet es paar hundert
Doch wie Labelrächnig usgseht, das nähmt mi wunder
Ig ha nüt drgäge wenn öie Aute zauht
Müesst dir nid drvo läbe de isch das haut egau
Bruchsch Props u chly Promo de mach Blocher-Bashing
S'isch gar nid stressig, wöu's fette Cash bringt
D'Uswürkige vo däm, das cha me erkläre:
Wenn im Herbscht '07 no meh Blocher wähle
Schribet lieber Lieder anstatt Preetexte
Lueg nur mit PR chasch ke Bärge vrsetze
Wöu d'Journis, die schribe doch nur eh was si wei
D'Chlyklass sig abglöst, dr Kutti sig geil
MCs hei Staralüüre wie dr Brad Pitt
Vor es paar Johr het dr Sema dr Cruizzel mit Rap gfiggt
Hip-Hop isch nid tot, ig ha ne gseh no gad vori
Los, ig sage „brä“ u zitiere dr Tommy
Suechsch Stoff für dis Ohr u weisch nid vohäre?
Los „Labberlabor“, das cha ig hüt no empfähle
Oder „Bärn Rap Vrträter“, „Nahdisnah“ oder „Beetown Beetz“
Leider si die Ziite vrbi
Aber nöis isch am cho und für das git's es Peace
Wo kreativ isch und authentisch zugleich
Bitte näht das ärnscht, dir machet euch zu Narre
Es wird gfährlech wenn Zivis plötzlech Panzer fahre
Ig ma se nüme ghöre au die Synthi-Beats mit Clap-Sounds
Los die EP düre do fingsch nume fetti Snare Drums
Richtig, das hani aus säber produziert
Säuber ufgnoh, säuber gmixt uf d'Musig fokussiert
U tusig mou kopiert si mp3s im Umlouf
Sound für di Chopf wo di umhout, und no:
Leg nid jedes Wort uf di goudigi Woog
Säg mir Oli wenn mi gsehsch uf dr stoubige Stross

Refrain (2x)

Check das, ig chille jede Tag, spitte jede Part
fresh, bi dr Beschtt doch mi fingsch nid i de Charts
Ig fiire mini Beats, blibe i dr Schwiiz
Unique u fly so high